



## ՀԵՌՈՒՄՏԱՏԵՍՈՒԹՅԱՆ ԵՎ ՌԱԴԻՈՅԻ ՀԱՆՁՆԱԺՈՂՎ

### ՈՐՈՇՈՒՄ

09 ապրիլի 2026 թվականի թիվ 35-Ա

ք.Երևան

### «ԿԱՅՑԾ ԼԱՅՆ» ՍՊ ԸՆԿԵՐՈՒԹՅԱՆ ԵՎԱՏՄԱՄԲ ՎԱՐՉԱԿԱՆ ՏՈՒՅԺ ԿԻՐԱՌԵԼՈՒ ՄԱՍԻՆ

Հեռուստատեսության և ռադիոյի հանձնաժողովը (այսուհետ նաև՝ Հանձնաժողով), ուսումնասիրելով 2026 թվականի մարտի 10-ին իր նախաձեռնությամբ հարուցված թիվ 5 վարչական վարույթի նյութերը, պարզեց.

Հանձնաժողովը «Տեսալսողական մեդիայի մասին» օրենքով (այսուհետ նաև՝ Օրենք) իրեն վերապահված վերահսկողական գործառնություններն իրականացնելիս արձանագրել է «ԿԱՅՑԾ ԼԱՅՆ» ՍՊ ընկերության (այսուհետ նաև՝ ցանցային օպերատոր կամ Ընկերություն) կողմից առանց համապատասխան իրավական հիմքերի՝ պայմանագրերի, տեսալսողական ծրագրերը վերահաղորդելու Օրենքի դրույթների պահանջի առերևույթ խախտման հատկանիշներ:

Հանձնաժողովը, հիմք ընդունելով Հանձնաժողովի նախագահի 2026 թվականի մարտի 04-ի թիվ 9-Ա հրամանի հիման վրա օպերատորների գործունեության տեղում դիտարկման արդյունքների վերաբերյալ 2026 թվականի մարտի 10-ին կազմված արձանագրությունը (այսուհետ՝ Արձանագրություն) և ղեկավարվելով «Վարչարարության հիմունքների և վարչական վարույթի մասին» օրենքի 30-րդ հոդվածի 1-ին մասի «բ» կետով, 2026 թվականի մարտի 10-ին ցանցային օպերատորի նկատմամբ հարուցել է թիվ 5 վարչական վարույթը:

Համաձայն Օրենքի 42-րդ հոդվածի 18-րդ մասի՝ Արձանագրությունը կարող է հիմք հանդիսանալ վարչական վարույթ հարուցելու համար, իսկ հարուցված վարչական վարույթի շրջանակներում ծառայել որպես ապացույց:

Արձանագրությանը ծանոթացել և այն տեղում ստորագրել է ցանցային օպերատորի ներկայացուցիչը՝ «ԿԱՅՑԾ ԼԱՅՆ» ՍՊ ընկերության տնօրեն Սերգեյ Մխիթարյանը և վերջինիս վերաբերյալ առարկություններ չի հայտնել:

Հանձնաժողովի ծրագրերի մոնիտորինգի և վերահսկողության վարչության կողմից կազմված Արձանագրության համաձայն՝ Ընկերության կողմից վերահաղորդվել են հետևյալ տեսալսողական ծրագրերը՝ «Карусель» («Karusel International»), «Кинохит», «Bridge TV», «Bridge TV Русский Хит», «Bridge TV Шлягер», «Bridge TV Classic», «СТС I», «РЕН ТВ I», «СТС Kids I», «Домашний I», «Перец I», «Петербург-5 канал I», «ТНТ» («ТНТ-Comedy»), «ТНТ4 international», «ТВ-3» («ТВ-3 international»), «National Geographic», «Nat Geo Wild», «Euronews», «FX life» («Fox Life»), «Dikaya Oxota HD», «Discovery Chanel», «Animal Planet», «TLC», «Eurosport 1», «Eurosport 2», «НТВ Мир», «НТВ Сериал», «Россия 24», «3звезда HD», «Моя Планета», «Наука», «Шансон-ТВ», «Детский Мир», «Муз», «Телеканал Иллюзион +», «Lայֆհար» («Film Zon»), «HAY TV», «XAXALIQ TV», «ABN» («Armnews 24»), «Bazmoc TV», «FitnesTV», «MUZZON», «KINOMAN», «Հ2», «Արմենիա Պրեմիում», «Հայ Կինո», «Զան TV», «Քոմեդի», «Մինեման», «FX» («FOX»), «Киномикс», «Bolt», «Bridge Rock», «Cartoonito» և «Охота и рыбалка»:

Հանձնաժողովի ծրագրերի մոնիտորինգի և վերահսկողության վարչության կողմից իրականացվել է Ընկերության գործունեության մշտադիտարկման արդյունքների Արձանագրությունում նշված վերահաղորդվող տեսալսողական ծրագրերի և ցանցային օպերատորի կողմից 2025 թվականին Հանձնաժողով ներկայացված վերահաղորդվող տեսալսողական ծրագրերի ցանկի համադրություն, որի արդյունքում պարզվել է հետևյալը.

«ԿԱՅԾ ԼԱՅՆ» ՍՊ ընկերության կողմից ներկայացված վերահաղորդվող տեսալսողական ծրագրերի ցանկում բացի փաստացի վերահաղորդվող ծրագրերից առկա են եղել նաև «Телекафе», «Индийское кино», «ТНТ Music», «Bridge TV Delux», «Bridge TV Hits», «Bridge TV Fresh», «ТВЦ И», «ЦТВ И», «Известия», «Baby Time», «РБК ТВ», «Friday international», «Nickelodeon», «Food Network HD», «ID («Discovery Investigation»)», «НТВ Право», «НТВ Стиль», «HGTV HD», «Star Cinema», «Star Family», «Охотник и рыбалов HD», «Еврокино» և «TAVA TV» տեսալսողական ծրագրերը, որոնք Արձանագրությունը կազմելու պահին չեն վերահաղորդվել, ինչն արգելված չէ օրենքով և չի խախտում այլոց իրավունքները:

Միաժամանակ պարզվել է, որ «ԿԱՅԾ ԼԱՅՆ» ՍՊ ընկերության կողմից ներկայացված վերահաղորդվող տեսալսողական ծրագրերի ցանկում առկա չեն «Armenia premium», «СТС», «РЕН», «FX», «Киномикс», «Bolt», «Մինեման», «Քոմեդի», «Հայկին», «Չան TV», «Bridge Rock», «Дикая охота HD» և «Cartoonito» տեսալսողական ծրագրերը, որոնք փաստացի վերահաղորդվել են Արձանագրությունը կազմելու պահին:

Արձանագրում ենք նաև, որ «ԿԱՅԾ ԼԱՅՆ» ՍՊ ընկերության կողմից 2026 թվականի մարտի 10-ի դրությամբ փաստացի վերահաղորդվող «Карусель» («Karusel International»), «Кинохит», «Bridge TV», «Bridge TV Русский Хит», «Bridge TV Шлягер», «Bridge TV Classic», «СТС Kids», «Домашний I», «Перец I» և «Петербург-5 канал» տեսալսողական ծրագրերի գործողության ժամկետն Ընկերության կողմից ներկայացված վերահաղորդվող տեսալսողական ծրագրերի ցանկում նշագրված է 31.12.2025թ., իսկ «Discovery Chanel», «Animal Planet», «TLC», «Eurosport 1», «EuroSport 2», «НТВ Мир», «НТВ Сериал», «Россия 24», «Звезда HD», «Моя Планета», «Наука», «Шансон-ТВ», «Детский Мир», «Муз», «Телеканал Иллюзион +» և «Охота и рыбалка» տեսալսողական ծրագրերինը՝ 28.02.2026թ.:

Վերոնշյալը պարունակում է Օրենքի 49-րդ հոդվածի 1-ին և 5-րդ մասերով սահմանված պահանջների առերևույթ խախտման հատկանիշներ, այն է՝

«1. Հայաստանի Հանրապետության տարածքում և նրա սահմաններից դուրս գործող Հեռարձակողների տեսալսողական ծրագրերը ցանցային օպերատորի լիցենզիա ստացած անձի կողմից կարող են վերահաղորդվել տեսալսողական ծրագրերի դիստրիբյուտորի կամ հեռարձակողի հետ պայմանագրի հիման վրա:

5. Վերահաղորդվող տեսալսողական ծրագրերի յուրաքանչյուր փոփոխության վերաբերյալ ցանցային օպերատորը տեղեկացնում է կարգավորող պետական մարմնին:»:

Հանձնաժողովը հարուցված վարչական վարույթի մասին 2026 թվականի մարտի 12-ին թիվ Ե/04/04.1/195-26 գրությամբ ծանուցել է ցանցային օպերատորին և հայտնել, որ հարուցված վարչական վարույթի վերաբերյալ կարող են ներկայացնել իրենց պարզաբանումները և բացատրությունները: Նույն գրությամբ առաջարկվել է նաև 10.03.2026թ. դրությամբ փաստացի վերահաղորդված վերոնշյալ տեսալսողական ծրագրերի գործողության ժամկետների վերաբերյալ պայմանագրերի ընդհանուր քանակի առկայության դեպքում ներկայացնել դրանք Հանձնաժողով:

Նշենք, որ 20.03.2026թ. ցանցային օպերատորը Հանձնաժողով է ներկայացրել «ԿԱՅԾ ԼԱՅՆ» ՍՊ ընկերության կողմից վերահաղորդվող տեսալսողական ծրագրերի ամբողջական ցանկը՝ համաձայն Օրենքի 49-րդ հոդվածի 5-րդ մասի դրույթի պահանջի:

Ցանցային օպերատորը հարուցված վարչական վարույթի վերաբերյալ պարզաբանումներ և բացատրություններ չի ներկայացրել:

*Հանձնաժողովի հիմնավորումները (պատճառաբանությունը) և եզրահանգումը.*

Վարչական վարույթի բազմակողմանի, լրիվ և օբյեկտիվ քննության, ձեռք բերված ապացույցների ուսումնասիրության և գնահատման արդյունքում Հանձնաժողովն արձանագրում է.

Օրենքի 2-րդ հոդվածի 1-ին մասը սահմանում է.

«Հայաստանի Հանրապետության տեսալսողական մեդիայի մասին օրենսդրությունը ներառում է Հայաստանի Հանրապետության Սահմանադրությունը, սույն օրենքը, «Չանգվածային լրատվության մասին», «Էլեկտրոնային հաղորդակցության մասին», «Հեղինակային իրավունքի և հարակից իրավունքների մասին», «Լեզվի մասին», «Գովազդի մասին» օրենքները, Հայաստանի Հանրապետության ընտրական օրենսգիրքը, կարգավորող պետական մարմնի իրավական ակտերը, տեսալսողական մեդիայի ոլորտը կարգավորող այլ իրավական ակտեր և Հայաստանի Հանրապետության միջազգային պայմանագրերը:»:

Օրենքի 32-րդ հոդվածի 1-ին մասի 14-րդ կետի համաձայն՝ Հանձնաժողովը իրականացնում է Հեռարձակողների և օպերատորների գործունեության մշտադիտարկում:

Օրենքի 42-րդ հոդվածի 1-ին մասի համաձայն՝ Հեռարձակողների գործունեության մշտադիտարկումն իրականացվում է ուղղակի դիտարկման, իսկ օպերատորի դեպքում՝ նաև տեղում դիտարկում իրականացնելու միջոցով, իսկ նույն հոդվածի 8-րդ, 9-րդ և 11-րդ մասերը սահմանում են.

«8. Մշտադիտարկման արդյունքներով կարգավորող պետական մարմնի ներկայացուցիչը մշտադիտարկման արդյունքների վերաբերյալ կազմում է արձանագրություն:

9. Մշտադիտարկման արդյունքների վերաբերյալ արձանագրության մեջ նշվում են մշտադիտարկման արդյունքների համառոտ շարադրանքը, ինչպես նաև վարչական վարույթ հարուցելու կամ հարուցված վարչական վարույթի համար Էական նշանակություն ունեցող բոլոր փաստական հանգամանքները, այդ թվում՝ վարույթի մասնակիցների օգտին առկա հանգամանքները:

11. Մշտադիտարկման արդյունքների մասին արձանագրությունն ուղղակի դիտարկում իրականացնելու դեպքում ստորագրում է մշտադիտարկում իրականացրած անձը, իսկ օպերատորի մոտ տեղում դիտարկում իրականացնելու դեպքում ստորագրում է կարգավորող պետական մարմնի և օպերատորի ներկայացուցիչը:»:

Օրենքի 49-րդ հոդվածի 1-ին և 5-րդ մասերը սահմանում են.

«1. Հայաստանի Հանրապետության տարածքում և նրա սահմաններից դուրս գործող Հեռարձակողների տեսալսողական ծրագրերը ցանցային օպերատորի լիցենզիա ստացած անձի կողմից կարող են վերահաղորդվել տեսալսողական ծրագրերի դիստրիբյուտորի կամ հեռարձակողի հետ պայմանագրի հիման վրա:

5. Վերահաղորդվող տեսալսողական ծրագրերի յուրաքանչյուր փոփոխության վերաբերյալ ցանցային օպերատորը տեղեկացնում է կարգավորող պետական մարմնին:»:

Օրենքի 60-րդ հոդվածի 8-րդ մասի համաձայն՝ սույն օրենքն ուժի մեջ մտնելուց հետո ցանցային օպերատորները կարգավորող պետական մարմնին տեղեկություն են ներկայացնում իրենց ցանցում վերահաղորդվող տեսալսողական ծրագրերի մասին:

«Հեղինակային իրավունքի և հարակից իրավունքների մասին» օրենքի 39-րդ հոդվածի 1-ին մասի համաձայն՝ այլ անձինք ստեղծագործությունը կարող են օգտագործել միայն ստեղծագործության նկատմամբ գույքային իրավունքները կրող անձի (ստեղծագործության հեղինակ կամ այլ անձ, որին այդ իրավունքներն անցել են օրենքով սահմանված կարգով, այսուհետ՝ իրավատեր) թույլտվությամբ՝ հեղինակային պայմանագրի հիման վրա, եթե սույն օրենքով այլ բան նախատեսված չէ:

Սույն օրենքի 65-րդ հոդվածի 1-ին մասի համաձայն՝ սույն օրենքով պահպանվող ստեղծագործության կամ դրա Էական մասի կամ հարակից իրավունքների օբյեկտի ցանկացած օգտագործում անօրինական է, եթե նախապես, մինչև նման օգտագործումը ձեռք չի բերվել հեղինակային իրավունքի կամ հարակից իրավունքների իրավատիրոջ թույլտվությունը:

Հանձնաժողովի իրավաբանական և լիցենզավորման վարչության իրավական ապահովման բաժինն ուսումնասիրել է վարչական վարույթի նյութերը, որի արդյունքում պարզվել է, որ այն տեսալսողական ծրագրերը, որոնց վերահաղորդման պայմանագրերի ժամկետների վերաբերյալ 2025 թվականին ներկայացված ցանկում նշված են 31.12.2025թ. և 28.02.2026թ., նոր՝ 2026 թվականին ներկայացված ցանկում դրանց ժամկետները երկարաձգված են:

Սակայն արձանագրում ենք, որ «FX» (FOX), «Киномикс», «Bolt», «Bridge Rock», «Cartoonito» և «Охота и рыбалка» տեսալսողական ծրագրերը բացակայում են ցանցային օպերատորի կողմից ներկայացված ցանկում, և ցանցային օպերատորը չի ներկայացրել նշված տեսալսողական ծրագրերը վերահաղորդելու վերաբերյալ ապացույցներ՝ պայմանագրեր:

*Հիմք ընդունելով տեսալսողական մեդիայի բնագավառը կարգավորող օրենսդրությունը, ինչպես նաև վերոգրյալ իրավական հիմնավորումները՝ Հանձնաժողովն արձանագրում է.*

*ցանցային օպերատորը տեսալսողական ծրագրերը վերահաղորդելիս պարտավոր էր պահպանել Օրենքի սահմանող դրույթները:*

Քննարկվող համատեքստում հատկանշական է, որ ցանցային օպերատորը 2017 թվականից հանդիսանում է Հանձնաժողովի կողմից լիցենզավորված իրավաբանական անձ Սսիֆոման տարածքը՝ ք. Երևան, Տավուշի մարզ, Սյունիքի մարզ, լիցենզիայի գործողության ժամկետը՝ 03.10.2017թ.-03.10.2027թ., սերիան և համարը՝ N 228[]:

Հանձնաժողովը հարկ է համարում արձանագրել, որ ցանցային օպերատորն, ի թիվս այլնի, պատասխանատվություն է կրում տեսալսողական մեդիայի բնագավառը կարգավորող օրենսդրության պահանջների կիրարկման ապահովման համար: Ավելին, վերջինս պետք է հաշվի առնի այն հանգամանքը, որ օրենսդրական պահանջները չպահպանելն առաջացնում է իրավական հետևանքներ:

Տվյալ դեպքում ցանցային օպերատորը պարտավոր էր պահպանել Օրենքի 49-րդ հոդվածի 1-ին մասով սահմանված դրույթի պահանջը:

*Այսպես, հիմք ընդունելով Օրենքի դրույթները և ձեռք բերված փաստերը՝ արձանագրում ենք.*

Վերոգրյալի համատեքստում Հանձնաժողովը ևս մեկ անգամ արձանագրում է, որ ցանցային օպերատորի լիցենզիա ստացած անձի համար Օրենքի 49-րդ հոդվածի 1-ին մասով պարտավորություն է սահմանված Հայաստանի Հանրապետության տարածքում և նրա սահմաններից դուրս գործող Հեռարձակողների տեսալսողական ծրագրերը վերահաղորդել տեսալսողական ծրագրերի դիստրիբյուտորի կամ հեռարձակողի հետ պայմանագրի հիման վրա:

Այսպիսով, Հանձնաժողովն արձանագրում է, որ «ԿԱՅԾ ԼԱՅՆ» ՍՊ ընկերության կողմից «FX» (FOX), «Киномикс», «Bolt», «Bridge Rock», «Охота и рыбалка» և «Cartoonito» տեսալսողական ծրագրերը վերահաղորդվել են առանց համապատասխան իրավական հիմքերի՝ պայմանագրերի, և վերոգրյալը բավարար հիմք է հանդիսանում Հանձնաժողովի կողմից Օրենքի դրույթներով սահմանված իրավախախտումն արձանագրելու և ցանցային օպերատորի նկատմամբ պատասխանատվության միջոց կիրառելու համար:

Օրենքի 32-րդ հոդվածի 1-ին մասի 11-րդ կետի համաձայն՝ կարգավորող պետական մարմինը՝ Օրենքի խախտման կամ իր որոշումները չկատարելու դեպքում կիրառում է պատասխանատվության միջոցներ:

Օրենքի 55-րդ հոդվածի 1-ին մասի համաձայն՝ Կարգավորող պետական մարմնի կողմից տեսալսողական մեդիայի բնագավառը կարգավորող օրենսդրության պահանջների խախտման դեպքեր հայտնաբերվելու, ինչպես նաև պետական այլ մարմինների կողմից իրենց իրավասությունների շրջանակում տեսալսողական մեդիայի բնագավառը կարգավորող օրենսդրության պահանջների խախտման դեպքեր հայտնաբերվելու և դրանց մասին կարգավորող պետական մարմնին գրավոր

տեղեկացվելու դեպքում կարգավորող պետական մարմինը կիրառում է հետևյալ վարչական տույժերը.

- 1) գրավոր նախազգուշացում.
- 2) տուգանք.
- 3) հեղինակագրման կամ լիցենզիայի գործողության կասեցում.
- 4) հեղինակագրման կամ լիցենզիայի գործողության դադարեցում:

Օրենքի 57-րդ հոդվածի 6-րդ մասի համաձայն՝ ցանցային օպերատորի կողմից առանց պայմանագրի վերահատորդում իրականացնելը՝

առաջացնում է տուգանքի նշանակում՝ Հասույթի 0.04 տոկոսի, բայց ոչ պակաս, քան սահմանված նվազագույն աշխատավարձի հիսնապատիկի չափով:

Ելնելով վերոգրյալից, հիմք ընդունելով «Տեսալսողական մեդիայի մասին» օրենքի 2-րդ հոդվածի 1-ին մասը, 32-րդ հոդվածի 1-ին մասի 11-րդ և 14-րդ կետերը, 42-րդ հոդվածի 1-ին, 8-րդ, 9-րդ և 11-րդ մասերը, 49-րդ հոդվածի 1-ին մասը, 55-րդ հոդվածի 1-ին մասի 2-րդ կետը, 60-րդ հոդվածի 8-րդ մասը, «Հեղինակային իրավունքի և հարակից իրավունքների մասին» օրենքի 39-րդ հոդվածի 1-ին և 65-րդ հոդվածի 1-ին մասերը և ղեկավարվելով Օրենքի 57-րդ հոդվածի 6-րդ մասով՝ Հեռուստատեսության և ռադիոյի հանձնաժողովը

### **Ո Ր Ո Շ Ե Ց**

1. «ԿԱՅԾ ԼԱՅՆ» ՍՊ ընկերության նկատմամբ կիրառել «Տեսալսողական մեդիայի մասին» օրենքի 57-րդ հոդվածի 6-րդ մասով սահմանված տույժը՝ տուգանելով 50 000 (հիսուն հազար) ՀՀ դրամի չափով:

2. Սույն որոշումն ուժի մեջ է մտնում այն «ԿԱՅԾ ԼԱՅՆ» ՍՊ ընկերությանը պատշաճ ձևով հանձնելու օրվան հաջորդող օրվանից:

3. Սույն որոշումն ուժի մեջ մտնելու պահից երկամսյա ժամկետում կարող է բողոքարկվել Հեռուստատեսության և ռադիոյի հանձնաժողով կամ ՀՀ վարչական դատարան:

**ՀԵՌՈՒՄՏԱՏԵՍՈՒԹՅԱՆ ԵՎ  
ՌԱԴԻՈՅԻ ՀԱՆՁՆԱԺՈՂՈՎԻ  
ՆԱԽԱԳԱՀ**

**Տ.  
ՀԱԿՈԲՅԱՆ**

2026թ. ապրիլի 09  
ք.Երևան